

Ndebele - Imibhalo - Comfort Scriptures

2 AbaseKhorinte 1:2-5 kubandla likaNkulunkulu eliseKorinte, kubo abangcweliwego kuKristu Jesu, ababizelwe ukuba ngabangcwele, kanye labo bonke ababiza ibizo leNkosi yethu uJesu Kristu endaweni zonke, eyabo kanye leyethu: 3 Umusa kawube kini lokuthula okuvela kuNkulunkulu uBaba wethu leNkosini uJesu Kristu. 4 Ngiyambonga uNkulunkulu wami ngesikhathi sonke ngani, ngenxa yomusa kaNkulunkulu eliwuphiwego kuKristu Jesu; 5 ukuthi kuyo yonke into linothisiwe kuye, ekukhulumeni konke lelwazini lonke,

Izaga 15:13 Inhliziyo ethokozayo yenza ubuso buchelese, kodwa inhiziyo ebuhlungu yephula umoya.

I Amakhosi 8:66 Ngosuku olulandelayo inkosi yabachitha. Bayibusisa inkosi basuka baya emakhaya abo, belentokozo bejabula ezinhliziweni zabo ngakho konke okuhle uJehova ayekwenzele inceku yakhe uDavida kanye labantu bakhe bako-Israyeli.

I Imilando 16:10 Jabulani ebizwensi lakhe elingcwele; kazithokoze izinhliziyo zabo abafuna uJehova.

Izaga 12:25 Inhliziyo ekhathazekileyo iyamcakisa umuntu, kodwa ilizwi elilomusa liyamthokozisa.

Izaga 13:12 Ithemba eliphuziswayo ligulisa inhliziyo, kodwa isiloyiso esigcwaliwego siyisihlahla sokuphila.

U-Isaya 30:26 Inyanga izakhanya njengelanga, ukukhanya kwelanga kukhanye ngokuphindwe kakhombisa, njengokukhanya kwezinsuku eziyisikhombisa ezicweleyo, lapho uJehova esebopha amanxeba abantu bakhe, epholisa lezilonda ezabangwa nguye.

uHoseya 13:8 Njengebhore elithathelwe imidlwane yalo ngizabahlasela ngibaqhaqhe. Ngizabadla njengesilwane, inyamazana yeganga izabadabula.

Amahubo 25:16,17 Phendukela kimi ube lobubele kimi, ngokuba ngilesizungu, ngikhathazekile. 17 Izinhlupheko zenhliziyo yami sezandile; ngikhulula ekudabukeni kwami.

Amahubo 34:18 UJehova useduze labo abalezhnliziyo ezephukileyo asindise labo abadabukileyo emoyeni.

Amahubo 38:8 Sengibuthakathaka, sengicubuzekile; ngiyabubula ngobuhlungu benhliziyo.

Amahubo 55:4 Inhliziyo yami iyatshiseka ngaphakathi kwami; ukwesaba ukufa kuyangiqinela.

Amahubo 61:2,3 Ngisemkhawulweni womhlaba ngiyakubiza, ngiyabiza lapho inhliziyo yami isiphela amandla; ngikhokhelela edwaleni

eliphakeme kulami. 3 Ngokuba ube uyisiphephelo sami, inqaba eqinileyo evikela esitheni.

Amahubo 62:8 Thembani kuye ngezikhathi zonke, lina bantu; likhuphe konke okusezinhliziyweni zenu kuye, ngokuba uNkulunkulu uyisiphephelo sethu.

Amahubo 73:26 Inyama yami lenhliziyo yami kungehluleka kodwa uNkulunkulu ungamandla enhliziyo yami, uyisabelo sami laphakade.

Amahubo 77:2,3 Ngathi ngikhathazekile ngamdinga uJehova; ebusuku ngazelula izandla azazezadinwa lomphefumulo wami wala ukududuzeka.

Amahubo 86:11 Ngifundisa indlela yakho, O Jehova, ukuze ngihambe eqinisweni lakho; ngipha inhliziyo engaxamalazanga, ukuze ngilesabe ibizo lakho.

Amahubo 109:22 Ngokuba ngingumyanga ngiyaswela, lenhliziyo yami ilimele ngaphakathi kwami.

Amahubo 112:7,8 Akayikwesaba imibiko emibi; inhliziyo yakhe ichumile, yethembele kuJehova. 8 Inhliziyo yakhe ikhululekile, akalakwesaba; ekucineni uzakhangela izitha zakhe ngokunqoba.

Amahubo 143:4 Kanjalo umphefumulo wami uyaphela ngaphakathi kwami; inhliziyo yami ngaphakathi kwami idanile.

Amahubo 147:3 Uyabathoba abadabukileyo enhliziyweni abophe amanxeba abo.

Izaga 14:30 Ingqondo elokuthula iletha ukuphila emzimbeni, kodwa umhawu ubolisa amathambo.

Umtshumayeli 1:13 Ngazinikela ekufundeni lokudingisisa ngolwazi konke okwenziwayo ngaphansi kwezulu. Unzima kangakanani umthwalo uNkulunkulu awethese abantu!

Umtshumayeli 2:10 Angizincitshanga lutho olwalufiswa ngamehlo ami; inhliziyo yami angiyalelanga layiphi intokozo. Inhliziyo yami yathokoza ngawo wonke umsebenzi wami, lokhu kwaba ngumvuzo wezithukuthuku zami.

Umtshumayeli 2:22,23 Umuntu uzuzani ngakho konke ukusebenza nzima langokutshikatshika kabuhlungu lapha emhlabeni? 23 Ubuhlungu umsebenzi wakhe awenzayo kuzo zonke izinsuku zokuphila kwakhe; kwala kanye lebusuku umkhumbulo wakhe kawuphumuli. Lokhu lakho kuyize.

Umtshumayeli 11:10 Ngakho-ke, xotsa ukukhathazeka enhliziyweni yakho ulahlele kude izinhlupheko zomzimba wakho, ngoba ubutsha lamadlabuzane kuyize.

U-Isaya 30:29 Lizahlabela njengasebusuku bokujabulela umkhosi ongcwele; izinhliziyo zenu zizathokoza njengalapho abantu besiya entaben kaJehova, eDwaleni lika-Israyeli, belemihubhe.

U-Isaya 57:15 Ngoba ophakemeyo ongaPhezulu – yena ophila kokuphela,

obizo lakhe lingcwele uthi: “Ngihlala endaweni ephakemeyo lengcwele, kodwa laye ozisolayo lothobekileyo emoyeni, ukuba kuvuselelw umoya wabathobekileyo, kuvuselelw lezinhliziyo zabazisolayo.

U-Isaya 65:14 Izinceku zami zizahlabela ngentokozo yezinhliziyo zazo, kodwa lina lizakhala ngobuhlungu bezinhliziyo njalo lilile ngokudabuka komoya.

U-Isaya 66:13,14 Ngizaliduduza njengomama eduduza umntanakhe, njalo lizaduduza eJerusalema.” 14 Lapho libona lokhu, izinhliziyo zenu zizathokoza, lani likhule njengotshani; isandla sikaJehova sizakwazakala ezincekwini zakhe kodwa ulaka Iwkhe Iuzabonakaliswa ezitheni zakhe.

uJeremiya 15:16 Ekufikeni kwamazwi akho, ngawadla; ayeyintokozo yami lenjabulo yenhliziyo yami, ngoba mina ngibizwa ngebizo lakho, wena Jehova Nkulunkulu Somandla.

uJeremiya 24:7 Ngizabapha inhliziyo yokungazi, ukuthi mina nginguJehova.Bazakuba ngabantu bami, mina ngibe nguNkulunkulu wabo, ngoba bazabuyela kimi ngenhliziyo yabo yonke.

uJohane 14:1 Inhliziyo yenu kayingakhathazeki; lina liyakholwa kuNkulunkulu, kholwani lakimi.

uJohane 14:27 Ukuthula ngikutshiya kini, ukuthula kwami ngilinika khona; kungeyisikho njengoba umhlaba unika, mina ngiyalinika. Inhliziyo yenu kayingakhathazwa, ingesabi.

uJohane 16:6 Kodwa ngoba ngikhulume lezizinto kini, usizi lugcwališe inhliziyo yenu.

uJohane 16:22 Ngakho lani-ke lilosizi khathesi; kodwa ngizabuya ngilibone, lenhliziyo yenu ithokoze, njalo kakho ongalemuka intokozo yenu.

Imisebenzi 2:46 Insuku ngensuku basebephikelela nganhliziyonye ethempelini, behlephula isinkwa izindlu ngezindlu, besidla ndawonye ngentokozo langenhliziyo emhlophe,

AbaseRoma 9:2 ukuthi ngilokudabuka okukhulu, lobuhlungu obungapheliyo enhliziweni yami.

2 AbaseKhorinte 2:4 Lokukhuluma kwami lokutshumayela kwami kakubanga ngamazwi enhlakanipho yabantu ahugayo, kodwa ngokubonakalisa kukaMoya lokwamandla;

Abase-Efesu 5:19 likhulumisana ngezihlabelelo langAmahubo okudumisa langezingoma zomoya, lihlabelele njalo licule eNkosini enhliziweni yenu,